

歐

北

集

陔北集卷二十四

起丁酉終至戊戌

陽湖 趙翼 雲崧

哭黃月山

聖廬方居憂復驚喪耆耇里社數交游惟翁誼最舊曩  
與先子交及見余童幼迨余致政歸翁而纔稍穉閱世  
恒河沙始知黃髮壽步履肯來過不策孤筇瘦剪韭話  
深夜一燈耿如豆喜翁精力強險韻尙能鬪何期奄忽  
問天遽奪之驟

士之困不遇未有若此翁讀書七十年苦如食蓼蟲搖  
筆爲詩文煅煉期必工出無千金幣居無一畝宮弱冠  
早授徒生計落此中一日罷館穀便愁粥不供晚更雙

耳聾難復求童蒙肝誰餽閔貢鄉莫置鄭公何哉天才之而獨遺之窮所以酒闌語時見氣吐虹

陶公居柴桑丁劉數往還日黎在潮州論交及大顛由來索居苦足音喜跼然伊余歸江村誰與談詩篇皤皤有此老時復踰陌阡遊我紅藕池醉我藥玉船似天哀我窮使翁相周旋忽焉晨星落不留一个圓停雲望八表隻影涕暗漣

翁有詩數冊欲刻若無資期我刻集日并爲料理之酒間已心許力乏仍需時遂令翁生前不及卷帙披聞翁歿猶視母乃意在斯斯事吾諾責幽明當弗欺所悲不朽事悠然未有期翁詩恐不傳欲附吾集垂吾集傳不

傳亦尙未可知安得歐陽公來序宛陵詩

讀書苦忘以詩自歎

東坡壯歲在貢院晝與同官恣喧讀暮燃寸燭閱卷多  
一覽輒了數百幅晚年北歸過潁州對客頽然亦睡熟  
聯翁少與伯恭學有多日星夜受蹴研磨到曉益神旺  
伯恭既醒太歎服後來此物竟辭去每夕亦須脇席宿  
由來老境潛逼人恰如惡客來不速伊余自昔愛篇籍  
常恨無資積滿篋幾誤南華作僻書偶得論衡矜秘牘  
仕宦歸來力稍餘揔架新收三萬軸嚴課猶思限等身  
健忘已歎虛過目分明何處似相見一斷機絲渺難續  
剪紙漫費巫陽招升屋空期臯某復乃知茲事亦關命

貧慕膏粱富厭肉昔時能讀苦無書今日有書苦難讀  
整妮牙籤奈老何光陰漸少書正多君謨愛茗不能飲  
但淪香泉玩綠波

哭徐肇璜

晚晚相依各二毛何期遽隔酒爐遙一腔熱肯逢人灑  
兩耳聾常怕客嘲野鴛書成名自負河魚腹痛疾難消  
君以腹疾卒那禁腸斷雲溪渡步履頻過話寂寥

卧病仍聞志未灰料量門戶剪蒿萊埋文預乞傳人筆  
昔酒猶溫宴客杯今春曾囑余作生誌  
臨歿前四日猶饒客白鶴化憐君不返青蠅

弔與我同來從今舊雨存還幾老淚濡毫賦八哀

戊戌春日

北堂夢杳痛難追春露驚心又一悲從此遂無爲子日  
初心長負去官時絳趺忍讀循陔句墨食猶遲負土期  
苦塊餘生感中夜淒風颯颯總帷披

汪時齋民部奉太夫人喪歸里道經常州相見道  
故兼以文端師遺集囑余編訂付梓卽事感懷  
泣然有作

十載驚相見停舟古驛旁麻衣俱似雪蓬鬢各成霜曉  
闌尙書履宵燈弟子牀前塵重撥觸洒淚滿河梁

歸田吾奉母辭郡汝娛親

時齋曾兩選郡守  
皆以親老辭罷

共此循陔願俱

悲削杖身瀧岡阡未表防墓殯空陳家運真同厄人間

兩鮮民

屈指論交舊真逾骨肉情十年同筆研兩世互師生翁

文端公門時寶兄弟又從余受業

書館依劉跡詩壇說項名重逢歐叔弼能不

話深更

吾師遺集在今喜付雕鐫牛耳盟原長雞林價久懸雅  
裁詞館式割愛諍臣權無可酬恩處憑茲慰九泉

編校文端師集感賦

悵別音容二十年今朝重幸讀遺編感深難忘三條燭  
才大曾推萬斛泉我欲往從蹤在後人思得覩快爭先  
寒燈攤卷開相對還似握衣絳帳前

久推勲德冠班行餘事仍看各擅場真草淵源王內史  
文章臺閣李東陽獨扛健筆探孤詣不立專門覩眾長

藝苑他年論古學醉翁門是一津梁

年時曾爲輯鴻裁侍坐頻叨勸舉杯後世誰知定文者

老夫合讓出頭來

公在日余曾爲編輯文稿公頗  
喜二語皆酒間戲笑之詞也

笑言未遠公如在

蕩落無成我不才今日總歸存歿感淚和殘蠟瀉盈堆  
忍辭校勘夜窻幽神理須從象外求與可畫先胸有竹  
庖丁解在目無牛名將後輩添描畫味要門生議去留  
他日九原相見處此心或可證千秋

鬻田

香山歷官十五政履道買宅兼林泉晚年居貧鬻駱馬  
并擬斥賣洛下田坡公出守七大郡餘力僅足資南遷  
儋州絕糧至食芋強名玉糝誇羹鮮况我作吏僅四載



銖積能得幾俸錢初歸貧兒託驟富求田問舍方喧闐  
豈知腐儒拙生計日漸折閱將罄懸書券遂去一百畝  
免被債家子母權村鄰竊笑溝澮水纔盈便涸非原泉  
我本山中藜莧腹儻來富貴特偶然自我得之自我失  
捫心亦復何憾焉

秋園預製歛具詩以調之

九十始日修聞諸小戴禮其絞衾紵冒猶必待旣死胡  
爲君六十先料理及此家有黔婁妻身非若敖鬼豈聞  
封遮須含笑治行李君言生有涯期至須蛻委未卯求  
時夜終勝渴掘水卓哉所見高勘透夢泡理慧業示飾  
巾俗緣喻脫屣笑彼夜行人漏盡不知止

昔有司空生生前自作壙春秋有佳日邀客讌其上干  
古稱達人超然齊得喪君豈慕其風因之寄遐尙吾聞  
東坡語劉伶猶未曠忘死未忘骸仍餘一重障區區一  
把骨豈愁乏安放必欲什襲藏含襚預摒擋此意母亦  
凝不殊石槨葬

自我歸田來抽帆幸到岸君已卧林下家事悉禁斷相  
顧驢然笑兩個都散漢從此蛭蛆交踪跡不可判遊爲  
同隊魚飛作一繩雁忽然君戒行母乃太荒幻無病何  
必呻當饗豈須歎吾尙貪吾生期君作老伴君勿遽爲  
此使我驚背汗

衰年惡聞死祝延亦恒情君獨無忌諱歛具手自營營

如行脚僧晨起打包輕掉頭忽欲去飄然可遐征又如  
強項吏日日辦嚴程搏擊倘不勝便作掛冠行閻羅顧  
而駭乃有此狂生不受腐鼠嚇其鋒殆難搜笑謂鬼判  
官二毛且勿擒此信物一角將挫吾威名不如姑舍是  
聽其老成精

肇璜歿後其子以君手植杜鵑一本見貽感賦  
一枝躑躅贈留遺老瓦盆經手澤滋曾記賞花徵勝友  
忽如開閣散歌姬到應推愛同烏鳥名易傷心比子規  
贏得故人思舊淚與他一色染胭脂

齒痛

少讀昌黎詩笑渠作牛飼我時齒力堅足供老饕恣雖

輸編貝工幾可嚼鐵碎連砂爛脫粟帶骨決大噉舞陽  
生羶肩直欲一斃試豈期近年來微鯨生櫓比每飯費  
剔搔疑有蟹奴寄忽復浮陽蒸旋起腫肉臙一團無根  
火熏灼滿口熾含痛魚銜鉤負傷虎帶刺飭糜但軟飽  
就枕鮮美睡經旬委頓餘一个忽委地翻因剝膚灾快  
此敝屣棄其餘皆動搖告別將以次曾聞袁子才留齒  
善持議謂齒在其身差不負位置笑或粲然露食必肥  
者致不如輔車依勿遽悻悻避我欲援例請齒也早自  
計百物甫入口惟齒職勞勩及夫得味時又屬唇舌事  
我則任其勤彼則收其利譬如老邊將轉戰心力瘁安  
坐享太平廟堂有高位斯理誰能平固難禁其懣姑弗

誘甘言且與講大義附我數十年亦有賓主誼懼汝剛  
則折破口每加意梭恐隣女投弗敢與之戲拳恐武夫  
毆未嘗觸其忌挂罈既謹言穿齟亦表志非象曷賄焚  
非鼠豈訟累拾有牙慧誇寒未屑亡至相處尙不惡中  
路忍乖異辟穀既乏方覓乳又滋費坐視飯顆瘦寧弗  
少留憩齒也始矍然君言甚情摯已落難復存栳之處  
仍墜吾將再生兒供君養願睹

同年平姚海別已十六七年忽接手書知在平江  
掌教兼招余姑蘇之遊先以詩答

一封書慰廿年思知在吳門絳帳披勝地遂開鹿洞學  
名流似有虎邱詩十科回數稀同輩四海難忘只故知

歷歷前塵重觸緒寄園燈火夜深時

官程曾共粵江邊遲早偏慳一晤緣天禁舊交爲屬吏

君辭前輩講同年

余與君同庚午鄉試君以甲戌館選前余三科例稱前輩君官粵時曾攝廣州之東莞縣及余守貴州君

已謝事歸矣

老思見面因垂白事最關心是草元百里郵程欣

不遠刺篙擬泛韋間船

使相李公屢書垂問敬賦三律寄呈

屢頒芳訊到蒿廬遠自滇雲萬里餘此意益增知己感  
當年况忝薦賢書籌邊共仰猷方壯健飯道知髣未疎  
獨愧未酬期望切不才身已混樵漁

廿年嶺嶠浹恩膏又見滇南駐節旄將相官兼韓魏國  
華夷地控蜀韋臯鐵橋有路蠻輪賁銅鼓無聲盜賣刀

半壁西南資坐鎮紀功應勒點蒼高

南戒山河隻手擎身兼德望與威名遇疑能斷惟如晦  
爲治從嚴本孔明閱歷已深逾近道丰裁雖峻自多情  
却憐滇徼曾遊地不及追隨聽履聲

送邑侯蕭懷剛去任

五載琴堂俗漸移一尊何意遽歌驅催科不擾恩斯寓  
在任無名去有思筮織就途稀長物蓬萊觀海計歸期  
君家登州之福山臨分不盡攀轅意聊紀循良代口碑

刪改舊詩作

食筍愛其嫩食蔗愛其老愛嫩則棄根愛老則棄杪非  
人情不常物固難兩好何況詩文境所歷有遲早少時

擅藻麗疵類苦不少老去漸剷除又覺才艷穠安得美  
並存病處又俱掃晚作蔗根肥少作筍尖小

少日所得意老去覺舛陋奮筆擬刪之謂今學始就焉  
知今得意不又他日疚詩文無盡境新者輒成舊漫勸  
鐵函藏行復髻髻覆笑同古煉師燒丹窮昏豔一火又  
一火層層去粗垢及夫燒將成所存僅如豆未知此豆  
許果否得長壽

閒居讀書作

閉門謝時人日與古人戰戰退一輩輩自詫力未倦突  
然逢大敵長槍大羽箭不覺墜降旗焉敢張空夸古來  
傳世人出手爆雷電譬如關張流神勇本獨擅吾曹才



力弱漫詡當八而惟應整一軍軍實自討練雖難堅必  
摧賡幾奔可殿

索居苦無友惟與古人親彼皆絕代才形去留其神終  
日儼相對寧不勝今人所悲時世隔弗得話夕晨倘有  
返魂香盡活已朽身來聚一堂上尊酒共細論奇賞疑  
復析此樂豈有倫惜哉不可見我生良不辰思彼彼不  
知更爲彼沾巾

每夕見明月我已與熟識問月可識我月謂不記億茫  
茫此世界衆生奚啻億除是大英豪或稍爲目拭群雞  
獨鶴高稠林一木直有如公等輩未見露奇特若欲一  
一認安得許眼力神龍行空中螻蟻對之揖禮數雖則

多未必遂鑒及

混沌初開時但以葉蔽身迨夫有蠶績已閱幾千春此  
幾千春內豈無冰雪晨不知衆艱蟲以何支冬旬得非  
少遮護便長衫毛新否則如面露凍慣亦不皺吾偶想  
到此不覺眉爲顰旁有客大笑擔憂代古人

哭沈倬其之訃

居憂半年來慣爲人哭死一哭黃江夏

月山翁

再哭徐孺子

璧

兩哭淚未乾今日又哭爾哭爾尤傷神結交弱冠始

鄉會皆同年更締門楣喜夜雨聽對牀京塵躡芒屨屈  
指三十年如此素心幾送君出岫雲期君還鄉水尙擬  
成二老來往娛暮齒何期一面難永訣在寸紙後我出

作官先我去作鬼白首不同歸嗚呼我知己

我有結髮妻所生惟一女君亦有佳兒遂以女相許我

昨官廣州訛傳君仙舉

有傳君已死者

正擬呼君兒了此向平緒

君忽攜兒來入門趣炊黍相顧一大噉人間尙有汝我  
女方向隅破涕亦笑語遂擇花燭期一雙好仙侶我歸  
君謁選官程指江楚兒婦相隨行吾謂女得所忽焉君  
溘逝家累孰區處婚嫁君已畢吾苦乃更茹

讀書三十年中歲始一第需次又十載臨老方作吏謂  
可營饘粥兼爲買山計百畝十具牛此亦非妄凱豈期  
落衝要未嘗一嚮味應付紛舟車供張到牕厠豹胎猩  
猩唇餽人未當意俸錢支已空衙齋啖粗糲死尙道累

累眷屬羈彼地傷哉書生命黔婁亦何異貧不離一生  
累更延後嗣我亦一腐儒因君益自慙

幼女以痧症殤哭之

多女雖多累生之則欲存慧深先醒夢年小或無魂恰  
是春歸後四月空餘花落痕桐棺三寸薄聊畢阿爺恩

是夕葬女畢忽得姪阿恩隨母在舅家亦以痧殤  
擗至此姪吾家千里駒也痛之尤甚

一女纔埋玉俄驚汝擗旋禍具有雙至哀乃動多連不  
費先生力能令後母憐傷心多夙慧頭角已森然

吾子多頑鈍期渠讀五車常因數行下時爲一餐加從

伯生官舍

兒生廣  
州官舍

隨娘死舅家去來俱不着信有鉢曇花

獨坐

門庭光景似平時家運潛衰已可知  
獨坐中宵眠不得  
小妻哭女弟呼兒

山茶

庭中一山茶花從隔年胎含苞四五月當春始一開  
謂宜榮華久力過桃杏梅誰知不十日花落毋煩摧  
難成而易敗卽事使我哀

舟泊京口王夢樓前輩邀遊北固山蒜山諸勝置  
酒江閣流連竟日卽席有作

握別京華十五年故鄉重喜履綦聯人曾泛海隨星使  
家住臨江作水仙老境風流猶顧曲儒門談瀆忽逃禪

故應海岳庵邊路不可無人繼米顛

滇嶠歸來髯未秋萬籥高擁一窻幽詩名尙愛稱才子  
官位幾忘是故侯碧海鯨魚傳麈尾作楊枝駱馬遺閒愁  
羨君天與無花眼燈下蠅頭寫更遒

孤亭俯輟大江濱箕踞狂談岸幘巾此樂動論千百載  
素心豈易兩三人荀興度嶺遊終日蒲酒移尊勸幾巡  
又破先生杖頭物蘆碕小閣荷留賓

德定圃中丞六十壽謠詩時公自淮南漕帥移節  
撫閩夫人亦同壽

律轉薰風晝景長扶桑弧矢指閩疆添籌時正來瀛海  
開府人曾住玉堂科第多年稀等輩朝班羣彥半門牆

祝延近有儒臣例黃閣榮加七秩觴

尹望山相公由翰林歷官督撫年七十大拜公亦由

詞臣起開府故授以爲祝

旌麾舊駐粵江潯到處甘棠滿綠陰人服歐陽談吏事  
帝知君實得民心胸無冰炭情常坦政本詩書澤必深  
甌越相鄰聲早播故應久望福星臨

盛事齊眉共歲華長筵借慶泛流霞曾期庭下科名樹  
親買欄前姊妹花歌舞一堂雙玉笋起居八座七香車  
木公金母真成對此福人間有幾家

第一關心荷析薪記從嶺表慶生申曾餐湯餅教摩頂  
想讀經書已等身階有崇蘭香自遠山榮文梓景長春

遙知戲綵堂前宴紫鳳天吳別樣新

公親於子撫時始得即君故詩及之

衙鼓趨塵憶往年斯文臭味荷深憐狂容傲吏頻揮麈  
貧識儒官不愛錢青史勲名公作督白頭著述我歸田  
雲泥無分隨班祝剩托心香到海天

書懷

少賤苦窮餓求官藉僮粥及夫仕宦成又想林下福此  
意殊不良未可對幽獨其如才分劣自審久已熟同乎  
俗吏爲吾意既不欲異乎俗吏爲吾力又不足是以詘  
然止中歲返初服敢援老氏戒謂知足不辱庶附風人  
義坎坎歌伐輻

既要作好官又要作好詩勢必難兩遂去官攻文詞僅  
僕怨其癖親友笑其癡且勿怨與笑吾自有主持一枝



生花筆滿懷鏤雪思以此溷塵事寧不枉用之何如擁  
萬卷日與古人期好官自有人豈必某在斯

其此面一尺竟無一相肖人心亦如面意匠憂獨造同  
閱一卷書各自領其奧同作一題文各自擅其妙問此  
胡爲然各有天在竅乃知人巧處亦天工所到所以才  
智人不肯自棄暴力欲爭上游性靈乃其要

戲題僧寺壁

佛教雖戒淫實乃誨淫祖莊嚴丈六身巍然踞紺宇煽  
動衆女流春游集如雨平時閉門居惟恐外人睹獨爲  
燒香出弗畏觀者堵燦首明珠翹稱身絢金縷麝熏衣  
添香螺點眉鬬嫵無不爲佛來狂比天魔舞佛乃坐無

言微笑雙眼俯金翠拜滿前一一若默數毋乃太風流  
吾將攻鳴鼓

莊似撰銜恤歸里相見之下泣然有作

樽酒論心記草堂別來頻歲滯咸陽懷人葭露爲霜句  
歸客麻衣似雪裝千里塵沾衫袖黧數莖絲入髩毛蒼  
看君出仕看君返覺我爲農日已長

凌雲賦筆最翩翩忽輟屠牛試小鮮傀儡身閒催戲鼓  
琵琶人老到商船折腰宦味從今日回首名場失少年  
何物人間向平累爲他婚嫁誤神仙

秦關勝蹟至今留贏得山川慰薄遊才子官多丞尉職  
好詩題愛帝王州登高賦就人爭誦懷古情深客善愁

泣罷臯魚再相見篋中束筭要先搜

琴堂纔聽頌神明風木俄催故國程貧士官偏從納粟  
老親養不逮遺羹高名豈覺銅爲臭豐祭應悲鼎大烹  
那得爲君無感慨書生願力每難成

秋帆中丞聞余銜恤之信遠致厚賻詩以誌感

匪莪誰唁聖廬幽忽拜朱提過十流孤子餘生桐削杖  
故人高誼麥連舟到逢涸轍眞甦鮒來自廉泉可飲牛  
誰肯官高還念舊此情須向古人求

題幀難稱嶽嶙峋華袞偏叨剪拂新

書題公妙筆  
國朝蒙與許

老尙雕蟲

良可愧窘方祭獮已嫌貧一編若論千秋業四海無過  
十數人笑我此中何處着在同食蓼味含辛

次韻酬族孫映川題贈之作

記得前身楊大年

映川夢爲楊億  
後身改字隱生

西崑麗藻疊田田讀書心

細絲抽繭煉句功深石補天清德世傳先代笏遙源家

有老人泉承明著作需鴻筆會見簪毫朶殿圓

童年出語使人驚遊學長安早有聲諸老共期珊入網

吾家故有壁連城詞華瑰麗長楊賦格律精嚴細柳營

欲略輩行呼小友相推牛耳長齊盟

每從談藝探孤危古學寧徒管豹窺四海論交同調幾

一編舍子定文誰攢眉仰屋癡堪笑皺面觀河老自悲

村笛山謳非雅奏淋漓大筆有韓碑

又看火繖灼穹旻望雨俄驚斗指申

今歲入夏以來  
百餘日無雨

穰穰枯

愁將採梠桔槔忙忍獨垂綸救飢或尙期馮婦視瘠原  
難等越人甘澍終應及時降相期一權泛湖蓴

雲鼎相公  
聞家鄉被

早寄聲囑余預籌  
捐賑如乙未故事

原作

趙懷玉

得祿重思負米年不會五十便歸田蒼生肯竟忘安  
石老嫗偏能解樂天底事神仙尋苦縣曾叨侍從列  
甘泉松窓定有關情夢夢到觚稜月正圓

風烟回首劇心驚跼跼飛鳶墮水聲已悟百年成短  
劫每從七字設長城弓衣曉出諸蠻洞羽檄宵傳上  
將營何似江村閑課子舍南舍北狎鷗盟

學到深時意轉危名山那計淺人窺眼中餘子容如

許身後相知竟屬誰三島鶴非塵世玩一邱貉繫古

今悲

辱題詩有時常徒喧貉一邱句

殷勤獨厚吾宗寄慚媿韓陵寺裏碑

清秋雲漢皎穹旻近事年來憶丙申屢爲耕桑策平

準轉於鄉國補經綸

先生嘗舉聖中矣其力

民方待牧思齊相我久

懷憂類杞人出處不妨同努力名高豈獨在鱸蓴

湯緯堂以近作就商敬題二律兼送其赴京補官

新詩一卷手親編雅意還參棒喝禪問道于盲公誤矣

望風而拜我甘焉消磨綠鬢人將老墮落紅塵骨自仙

得効雖黃亦何幸丁儀終藉定文傳

仙令才名兩浙聞風流不減杜司勳西湖載鶴官如水

東野爲龍我願雲故里暫歸欣結隊單車遠出又離羣

鄉邦詞客多星散把酒何人話夕曛

題緯堂吟秋小照

金風颯颯易生愁何事寒林托興幽方喜令君春有脚  
莫吟童子夜垂頭丹楓色爲空山絢黃菊香從老圃留  
此景寥蕭應讓我小詩慣和候蟲秋

題龔香雪長松片石圖

松髯之而石骨瘦透此山澤靡所獨消受君才瑰異腹  
笥繁富況工臨池釵折屋漏乃館閣人胡愛巖岫始知  
高懷落落宇宙一片盤陀斑駁苔繡結趺可坐礪齒可  
漱五鬣蘊之午不知晝映入鬢眉肯作綠鏤似陶通明  
笙簧清奏豈米火正必納諸袖松老成鱗石怪如瘤好

與先生作朋三壽

楊星園館選南歸賦賀

凌雲賦就入蓬瀛宮錦還鄉畫繡榮  
少日曾稱七才子  
去年猶是一諸生  
風催北徙開鵬路  
君以按實僉失赴北  
關遂聯捷入翰林  
秋到  
南歸趁雁程  
笑我久閒塗抹手  
因君重憶玉堂清

題湯蓉溪洗硯圖

粵嶠滇雲宦蹟長  
循聲處處有甘棠  
只餘一事輸包老  
歸橐還多硯一方

等是人間一硯田  
羨翁多種獨逢年  
烏絲紙傍紅絲石  
笑我還資潤筆錢

答友



一縷心香息衆囂已甘門徑掩蓬蒿書難盡信常疑孟  
詩偶無題且和陶白日百年浮世短名山一代幾人高  
尚憐捉鼻清吟處見笑人間湖海豪

刊刻注文端師集既就兒輩勸以拙集付梓勉徇  
其請書以誌愧

師資幸托棗梨酬愧以蕪詞續選樓閒惜半生心力瘁  
老思一卷姓名留先生在日曾青眼弟子如今也白頭  
太息斲輪人已去乞誰判定夜窻幽

少日頻蒙說項斯微名稍稍動人知豈期晚節雕蟲技  
還待餘光附驥馳典冊高文華國手漁樵野調散人詞  
曾叨嶰管和鳴囑愧作無腔短笛吹

早從詩句判升沉鳳翽朝陽鶴和陰公有文章兼事業  
我無鐘鼎竟山林敢追漢殿凌雲賦聊附康衢擊壤吟  
重向燈前展師集始知 盛世有元音

天與才華本不多虛勞飯顆費吟哦少貪禪取書陶葉  
老想光陰挽魯戈關令青牛瞻紫氣琴高赤鯉跨滄波  
人間大有堪遊戲一笑徒將墨對磨

淵源回首醉翁亭才分真慚去逕庭座接曾資近朱赤  
門高敢說出藍青傳衣莫副應留憾殘錦無多尙乞靈  
笑把蘭苕自裁剪有人金翅劈滄溟

纔識甘辛髻早殘竿頭欲進步蘭單千秋如許談何易  
一字求安已大難未免惜他雞肋棄知誰留此豹皮看

只餘結習難消處或作微漚點海瀾

北集卷二十四終

甌北集卷二十五

陽湖 趙翼 耘菰

服闋後親友多勸赴官作詩誌意

祥琴纔罷忍彈冠多少鑼聲催上竿垂老畫成名士餅  
旁觀欲敗煉師丹敢憑野笠驕文繡恐食官倉又素餐  
舐掌孤熊自知分不關貪坐釣魚灘

此身敢便托高雲實以迂疎怯組纁苦筍味堪差致什  
甘蕉生怕受彈文我需於世原無幾客望斯人恐太殷  
多少田間身再出聲名往往損清芬

浙遊口占

七年不出邑東門忽買扁舟去故園南浦一篙新漲水

東風三月落花村，懶常閉戶將終老。貧則求人稍貶尊，落魄江湖重載酒。倦游情緒總難論。

舟過無錫晤顧晴沙觀察，適同年陸朗甫方伯乞養歸，亦以是日至，遂同游惠山，用前歲題晴沙響泉集韻。

千里關心出處身，停雲遠望每勞神。十年但作相思字，一日欣逢兩故人。近狀共驚新白髮，舊遊重話軟紅塵。歸田同此循陔願，歎我今偏不逮親。

素節相期玉不瑕，看他宦海競時華。幾人叔度曾歌袴，佳士君謨亦製茶。一部河渠胸有竹，則甫以所著運河考見貼百家詩

格眼無花

塘沙集論詩

品泉亭下相携坐，此味何如早晚衙。

附和詩

顧光旭

萍海同歸雲水身一時回首問西神  
坐間便作三游洞行處還驚兩岸人  
倦鳥依林應有侶落花藉草幸無塵  
飲泉忘味知寒暖不敢臨深爲老親  
本非懷瑾匿何瑕宛轉高堂感歲華  
笑我不勝千日酒携君同試二泉茶  
看雲向晚猶疑雨種樹多年倍惜花  
半枕懽騰綠底事古槐蒼蘚夢排衙

附再和詩

叱馭歸來剩此身自憐冰雪損詩神  
長吟甌北三千首細數江南六七人  
踪跡各應隨宦轍性情真不受風塵  
晉陵樹色梁溪水差喜於君近可親

其人如王羨無瑕與客揚帆採石華憶自蠶叢烹苦  
竹感深龍井餉新茶夕陽遠水低斜鴈秋雨疎籬冷  
澹花相對兩忘賓與主不知窓影鬧蜂衙

到杭州寓門人沈南雷儀部宅卻贈

浙水分携十四春重來相見倍情親西湖要我爲遊客  
東道因君有主人掃榻爲安行李穩典衣催沽酒肴珍  
及門著錄知多少誰似彭宣誼最真

清風廉使舊留貽

謂前人報國投寄

蘭鐙家聲似昔時投刺到門無

俗客讀書滿屋有佳兒手栽桃李皆時彥事畢松楸近

選期

君身歷此勞校之役以張闔將赴補

議禮曲臺資掌故銓車其漫出山遲

西湖晤袁子才喜贈

不曾識面早相知  
良會真成意外奇  
才可必傳能有幾  
老猶得見未嫌遲  
蘇隄二月春如水  
杜牧三生髻有絲  
一个西湖一才子  
此來端不枉遊資

朝衫脫後占詞塲  
三十年來獨擅長  
交契最深嚴節度

夢端節制  
江蘇知縣最繁

革行潛作魯靈光  
漫從近代推初白  
自說前生

出點蒼笑我裝從西洱過  
不知卽是鄭公鄉

君自言前生爲  
點蒼山五百年

老候余昔從軍過點蒼萬樹  
猿聲不知中有舊巢穴也

携家來住武林春

羣鶴爲  
寫樓

書畫隨身集等身  
與我相逢三

竺路此翁頗似六朝人  
酒間贈妓題團扇  
雨後尋詩墊  
角巾他日西湖遊  
覽志或應添記兩門民

附見酬之作

袁枚



乍投名紙已心驚再讀新詩字字清願見已經過半  
世深談爭不到三更花開錦塢登樓賞竹滿雲棲借  
馬行直到此間纔握手西湖天爲兩人生

集成金海自雕搜滿紙風聲筆未休生面果然開一  
代古人原不占千秋人非同調交難合官到殘棋局  
可收我倘渡江雙槳便定來甌北捉閒鷗

晤沈佩蘭孝廉呂映微秀才

吾黨推才彥清狂兩少年工詩三折臂賣賦幾文錢奇  
字多誰問寒灰死復燃

呂多識奇字沈  
被黜後再發解

故鄉留不住都在越

江邊

跡喜聯牀近聞來好唱酬

僕家舊在  
四明

謀身無半畝放眼有千

秋步履明湖霽挑燈旅館幽兩人吟眺處應可慰羈愁  
陳望之觀察招同袁子才王夢樓顧涑園張謬庭  
讌集卽席賦呈

扁舟訪舊浙江邊  
寵荷佳招櫻筍天  
千里故人移使節

君自閩  
調浙

一時名士聚賓筵  
油囊酒到杯浮露  
畫舫齋成屋

似舸不敢便將泉石傲  
使君風雅自堪傳

佳麗餘杭宦轍留  
花間喝道也風流  
君才到處能驚座  
吾老虛名愧倚樓  
繡幕官高英錫節  
釣篷人擁木棉裘  
惹他胥隸從旁笑  
何處飛來此野鷗

子才席上遇閒雲女郎以小照乞題醉後書三絕

句

靈心慧眼嫩腰肢二月東風楊柳絲  
這個女郎殊不俗手持畫卷乞題詩

是誰月旦品風華喚作人間女探花  
試向十眉圖比較

黃崇嘏恐不如他

黃崇嘏五代時西蜀女狀元

偏向嚴光眼獨青羊裘也染麝蘭馨  
他家足慣加人腹

夜半須防犯女星

謂君所善嚴生

### 靈隱寺

從來創寺宇必占名山內豈知寺一創  
山反去而背我來靈隱遊步步入烟靄  
松聲與水聲一路響天籟靈峯  
汎飛來其下激奔瀨清寒透毛竅使我  
骨欲蛻預擬到寺中更有奇景最豈期  
款門入繚垣迥隔礙但有殿閣

高絕少林壑會一笑開堂

俗等市僧占得好溪山

仍復推出外譬若佛莊嚴丈六巋然大內實草泥成外  
乃丹碧繪

### 虎跑泉

人無衣不華山無樹不肥青山得嘉樹如人披好衣言  
尋虎跑泉虎去泉猶滋山本以泉名奇乃在林隸十里  
松杉青夾路迎驂驂漸入益深蔚綠雲滃成圍偶然葉  
罅處一綫漏日暉映入鬢眉蒼各訝昔面非信有蔚藍  
天隔斷紅塵韞趺坐石橋上流連澹忘歸天風颯然至  
萬葉鱗甲飛忽疑深山中尚有虎作威

### 石屋洞

山根接地起雷斧忽一劈一劈深數丈豁然洞室開石  
龕俯而瞰仰睇恐崩折一壓必齏粉欲遁安有隙豈知  
石渾成不藉搆以壁居然無梁殿迥勝陶複宅奇巧出  
天造可悟化工迹應真五百餘人力枉雕刻洞石多  
刻佛像巖陰  
石氣潤點滴滲靈液山僧取供茶啜我坐布席旁更一  
罇開螺旋入深碧旁又一小洞  
名滄海鏡客復思窮探覓徑澗僅尺懸  
鼠鑽牛角母乃太偏窄

龍井

湖上諸峯巒而皆向湖多龍欲藏其珠別自開雲窩層  
岡迴複中山徑緣烟蘿一泓湛寒碧古井澄不波元淨  
昔結茅退院靜養痾蘇公偶相訪禪悅資清嘖相送出

風簟不覺溪橋過惜哉我來晚弗及叅維摩鐘魚青瓦  
房但有俗頭陀楚楚披戒衲汲汲迎朝譚母乃爲井辱  
道價迥殊科僧也聞之笑方外幸勿苛我固非辨才客  
亦非東坡

同年孫星士侍講家有園林之勝招同子才南雷  
讌集卽事

堯夫到處有行窩惹得先生掃逕蘿園近西湖通水活  
樽開北海愛人過風霜樹古鱗皆蛻泉石身高髻未皤  
拋卻朝衫貪釣笠林亭未免悞人多

與子才泛舟歸其家姬正倚湖樓子才大有防客  
窺伺之意詩以調之

湖舫歸時未夕陰有人樓上撫青琴漫因妾面防郎面  
未便他心似我心平視原來才子氣近嗔休引麗人吟  
泊舟故傍紅欄下或恐鉤簾有墮簪

滿眼

滿眼繁華日及驕歡場爭逞少年豪行行且止誰回顧  
汲汲如狂恐太勞殘炷燈花騰赤燄收場戲鼓出紅袍  
養生常帶三分餓此處潛夫見稍高

喜遇邵耐亭話舊

故鄉不見見他鄉此會真非意敢望面有少容君未老  
身餘傲骨我猶狂畹蘭香夢期傳笏池草殘詩感對牀  
君尚未有字今以令弟杭守君之喪來杭可惜明朝又將別爲君多坐一更長  
余將發

西湖雜詩

六橋曾泛畫船過十四年來一刹那今歲重遊春較晚  
錢塘門外落花多

雨後湖隄淨麴塵莫嫌到日已殘春遊人過盡鉛華少  
纔見湖山面目真

何須簫鼓沸蘭舟山水清暉愛薄遊三四寓公觴咏處

西湖也覺更風流

子才夢橋竹初更  
當治其連日泛湖

不信風流倩女寬千年猶覺有餘芬關情一道裙腰草  
綠到西泠蘇小墳

魚羹醋縷味稱奇想自南遷宋嫂遺也比燕京燭栗法

來從汴土李和兒

湖上調鼎實  
醋縷魚頗佳



重過蓮池跡已陳女尼那復記前因當年綠髻看纔剃

豎拂今爲首座人

余昔攜家遊湖  
寓蓮池女庵

葛嶺南園一代狂欲尋遺跡已滄桑賈堂蟋蟀韓莊犬  
留與遊人話夕陽

嚴郎消瘦最情癡畫得紅粧代乞詩窮秀才携倚門女  
向人誇說是西施

老去詩人兩鬢秋祇憑才筆占風流若非紅粉名心在  
誰肯樽前伴白頭

天水空明笛一枝斷橋人靜月斜時湖樓多少憑欄女

明日家家說項斯

吾鄉三項生善歌東寓湖上  
每夕在斷橋亭奏伎傾一時

花開緩緩到餘杭正遇清齋學太常今夜河魁須禁忌

可憐天壤此王郎

夢樓如表桑佛其夫人來遊湖與談禪而別

手翻樂府教梨園可是填詞辛稼軒唱到曲中腸斷句

眼光偷看客銷魂

夢樓在杭製新助教梨園

但一聞聲記不訛琵琶盲女賽橫波老夫亦以耳爲目

認作西天阿律多

曾女王三姑知詩文當衆客奮至一接談輒記其人酬應不爽

靈隱山深古木平冷泉常是在山清朝朝裙屐遊塵滿

不改蒼寒是此聲

曾記從軍入百蠻每從馬上看烟巒而今髀裏全生肉

重爲湖山一據鞍

是日借馬遊虎跑理安諸勝

古樹千章總十圍理安僧寺好禪扉樓前盡日濛濛雨

都是空山濕翠飛

我愛看山擬結隣住山何又羨紅塵勞他老衲開方丈  
親出山來接貴人

僧寮楹帖彩鮮明墨寶爭誇翰苑名卻是醉翁門下士

者番方覺老夫榮

諸寺院多南  
重正塘楹帖

來時桑葉綠陰連歸去枝枝禿似拳不覺出門時已久  
春蠶三起又三眠

寄慶雨峯觀察蕪湖

薇省才名微

帝知春風南國駐旌旗人於叔度歌來暮地本韋丹有  
去思鎖鑰雄關兼權筭江山陳迹再題詩官箴但守家  
規足處處棠陰召伯遺

尊人尹文端公節制  
兩江最久君嘗隨侍

東閣卽鉛其讀書回頭已是卅年餘已庚午間余客家頗久郎君官果  
施行馬老友身今托釣魚門第高須名宦稱江湖遠與  
故人踈相思甚欲來相訪着慣漁簑怕曳裾

孫補山藩伯自滇南遠寄手書并錄路過曩宋關  
之作見示關在騰越州外 征緬時經畧傳文  
忠公出師路也補山以余曾同在幕下故錄寄  
焉接讀之下情見乎詞感舊懷人敬次來韻

騰衝關外嶺千盤路接沙場感據鞍身入不毛人易老  
陣留戰血地猶丹山河回首騎箕遠壁壘驚心折戟寒  
同是征南戎幕客八哀詩忍剪燈看

原作

孫士毅

擺極登塲野望寬當年曾此駐征鞍軍聲似聽開父

密

國語  
驕高龍

山影猶銜吉爾丹

大華名將賜  
經畧進勳者

從事重來書

老上公歸去石泉寒搖鞭曩宋關前路遺鏃沉沙存

細看

去歲莊俱撰自陝回秋帆開府寄聲慰唁且約余

作陝遊今俱撰赴陝與余結伴行有日矣會時

將伏暑遂不果寄詩述懷

形勝三秦控塞垣儒臣開府鎮雄繁

帝將節鉞儲良相世仰文章稱狀元千騎上頭雙燕肅

九州西面一關尊立身豈但蓬山頂要使勲高華嶽論

欲知來暮慰輿情一幅烟嵐陟華行

公昔符陽華山輒應書  
繪此圖與余爲題句

禱

嶽心能通白帝爲霖功早活蒼生褰帷驛路春行部安

堵人家曉過兵

西歸舊聞  
果裂

聞說政餘仍嘯咏又將彩筆賦華

清

一從初服返茅齋屢接郇箋老眼揩出處豈關天下望  
寒暄偏累故人懷春風渭樹人千里秋露秦葭水一涯  
不是雲霄能念舊誰從林下問芒鞋

驅車已擬赴臨潼半爲尋詩半訪公召伯化從分陝見  
賈生文愛過秦工身非熱客愁衝暑時正炎官欲逞雄  
我本苦吟驢背者來須風雪灞橋中

疽發於背醫來以刀割治作詩誌痛

百病伺衰來侮我始知身老無一可眼昏齒豁且勿論

七尺頑軀結果蘇初謂癰疥不足憂旋復墳起如贅疣  
脹疑欲化馬背腫痛若被螫蠱尾鉤醫來技窮七首見  
發硯直似割庖牛我愁瘦割身亦死渠謂癰養病弗瘳  
一刀初入淚逆落兩刀三刀喪竟魄可憐消瘦一枯肌  
不足當拳况鋒鏑膚革幾防鑿壁穿肺肝直恐和盤托  
幸我回頭看不見但見奴僮也驚愕憶昔從軍絕徼秋  
金瘡常備中戈矛卻憐今日刀鉞血不作沙塲刮骨流

病起

病榻呻吟久不眠剝膚痛定喜新痊漸離藥餌停爐火  
尙斷葷腥省杖錢與世無裨原長物自今不死總餘年  
緣知百藥黃蘗菜尙有吾生未了緣

野望

瘦削多時減帶圍支筇今日出柴扉早收人喜篋新釀  
乍冷天催贖敝衣節物關心秋色老江湖屏跡故交稀  
試拈詩筆猶強在醉墨塗鴉又一揮

書所見

孔教所到處無不有佛教佛教所到處孔教或不到四  
裔榛狂區詎有孔子廟如來觀世音乃皆莊嚴妙何哉  
正學炳反輪異端燦豈非福利說易爲愚民告要其俗  
雖殊固不外吾道君仁而臣忠父慈而子孝孔書縱不  
至光遠則已耀

世儒好闢佛多欲窮其精我但言其粗了然自易明其



教嚴戒殺物命固長成卻絕男女欲不許人類生將使  
大千界人滅物滿盈此豈造化理流毒逾秦坑試起廣  
長舌將以何說爭

王述菴從軍滇蜀閱七八年凱旋後超擢廷尉茲  
乞假歸葬事畢還朝道經毘陵停舟話舊賦贈  
烏撒匆匆握別遙何期相晤在江郊十年京國詩文契  
萬里邊塵患難交曳履喜公遷棘寺息機笑我老書巢  
停舟不盡離懷訴坐到斜陽掛樹梢

滇疆蜀徼佐軍籌奏凱歸來進秩優獎久失生介胄  
貂蟬真見出兜鍪公蒙恩  
賜孔雀焚黃詔特榮先壘飛白書應

起

賜樓

蘇轍

憶吾家老元叔與公會共赴星郵

蘇轍

陸隨絳灌本殊科誰似先生兩不磨  
文苑才偏臨陣勇戰場歸又著書  
多放翁詩滿成都市劉秩身當曳  
落河如此儒冠繞不負眼看青史  
入編摩

土盟壇坫集吟朋隻手輪扶大雅  
升劉翼罵人人不恨孟嘗問客客  
何能群情爭赴如流水古學相推  
有續燈愧我名場久踈隔順風呼  
讓最高層

述菴到常適袁子才亦至遂并招  
蓉龔緘齋魯斯  
讌集寓齋卽事

邂逅名流集朋簪此會奇我當師  
北面客似醺南皮扶醉花頭下聯  
吟燭跋時聽談軍府罷騷壘又張  
旗

舊雨兼今雨南轅又北轍

北轍北亭才還金陵

升沉兩岐路會合一

清尊明日征帆影相思醉墨痕荒村獨歸處誰送我柴門

寓齋桂四株余到日正放花留連旬日得詩七首  
四株丹粟倚簷栽百斛濃香滿屋來最是今年時令正  
中秋節候恰花開

相國勳方在廟廊自從買宅未聞香一區翻似開甥館

放我花間坦腹牀

寓舍爲余外舅程雲塘相公第相公買宅後未嘗歸命余入城作寓

自笑涪翁本鈍根口頭禪被喧堂喚如何便到香天界  
幻出如來金粟身

不信名香解作媒惹他隣女上牆隈老夫也自忘衰醜

只道窺牆爲玉來

隣女多倚牆折花故戲云尔

倚樹吳剛耐冷偏消他清福夜涼天客中半臂無人送  
遙與嫦娥共不眠

香中久坐不知聞如入瑤林豈覺夢出去忽驚寒蝶繞

始知身是染香人

佛經言染香人遍體皆香而不自覺

幽芬似與伴衰遲來是開時去謝時天遣清絲托叢桂  
小山不住更何之

與客談黔中牟珠洞之勝補記以詩

我不知混沌以前世界作何狀可亦地在下天在上禽  
羽獸蹄人蹀相自從攬勝牟珠洞乃知人物與今同一  
樣峭壁劃然開中有小九垓山僧秉炬導我入千變萬  
怪何奇哉闕如門啟扉盡如柱立礎方如棋野圓如鼓

蹲如狡狴伏如虎又有釋迦古伽觀世音手掣香象調  
鸚鵡都是胚胎石渾成畫所不到况椎斧謂是人雕鏤  
世間安得愚公與楊焉謂是化工肖物像物像在後此  
在盤古先始知龍漢劫前舊人物水火風輪相蕩汨一  
齊鎔入洪爐中有不化者剩石骨滄桑陵谷變遷俱已  
盡偶然留此迹不沒龍髯軒鼎追蠡鐘詎足相提較歲  
月儒生拘墟守尺寸動云六合以外存弗論豈識洪荒  
索綯有泄處仍在人間堪體認不信試探巖壑竒此中  
豈特巢燧燬似從迹象究終始十二萬年前後俱可知  
同年儲玉函罷官歸僑居郡城與余寓舍相對晨  
夕過從賦贈

長安履舄日從游故里相逢已白頭官本清貧歸益窘  
少猶恬退老何求民因拔薤懷廉吏身學鋤瓜比故侯  
尙有名流風味在未妨得失付浮漚

望衡對宇兩閒身贏得論文共夕晨我輩賞心惟此事  
故人聚首也前因江湖且樂無懷世富貴須歸有福人  
一卷新詩數杯酒清緣亦頗勝紅塵

喜晤門人江淑齋郎中卽送赴補

一別俄驚十七年門生鬢髯也蒼然倘非名紙幾難識  
猶記程文妙可傳橐筆行遷烏府座吹笙重話鹿鳴筵  
君爲余主年鄉閭所取士今以御史記名不須苦把荒莊說我尙江村有薄田

依然風味帶酸寒粉署清聲脫粟餐帖括尙勤兒輩課

苞苴久絕選人干

君掌武選力杜請託  
退直後教課子弟文

能留書味原尋樂不領

人情好做官看取虛懷聆受處早知樹立稱儒冠

### 再贈子才

論君詩能僂指數誦君詩能脫口出一尺便便孝先腹  
似特爲君貯詩設笑比劉邑癖嗜癖直欲啖到滿身血  
世儒目論多拘牽無薄今人慕古賢庸知不朽有真價  
何論已往與目前退之爲雲逐東野杜陵落月懷青蓮  
豈非同時卽鑒定逆知其才後必傳老夫隻眼不輕許  
此事曾經歷甘苦閉門自謂造車精出見輪班慚弄斧  
不覺私心大屈服欲爲先生定千古風流況復古江表  
春晝花明秋月皎精求肴饌課廚娘健逞腰肢鬪芳老

江湖到處有逢迎山水頻年恣尋討其人於世無可用  
偏覺世間不可少獨憐我輩一書生何福能消此段情  
富貴猶輪閒跌宕神仙也姑太聰明願君珍重保黃髮  
長享高年養大名

閱史戲作

閒翻青史坐涼宵頃刻興衰閱幾朝寸燭未殘千載過  
先生笑比爛柯樵

名入青編事已賒八來仍墮海無涯掩書兀坐還私問  
可算恒河裏一沙

閒居無事取子才心餘述菴晴沙白華王兩璞兩  
諸君詩手自評閱輒成八首



千里懷人白露時一編冰雪慰相思  
齋日與諸君見  
可惜諸君不得知

多是長安舊往還入聯坐席出聯鞍  
當時不覺從游樂  
誰識如今一面難

才名官位本殊科此事由來有折磨  
滿案詩篇排束笋  
冗官常比達官多

新知舊識總吟朋老眼臨文肯世情  
心賞不關交厚薄  
此中我自最分明

穠李夭桃麗色殊端相終欠幾分醺  
可憐多少狂蜂蝶  
曾見梅花一面無

姊妹新粧共倚欄孰宜施粉孰宜丹  
背人卻向菱花照

還把看人眼自看

少時學語苦難圓只道工夫半未全到老始知非力取  
三分人事七分天

流年况擲等閒過老去空悲兩鬢皤貧始燒丹病求艾  
此生何事不蹉跎

數月內頻送南雷述菴淑齋諸人赴京補官戲作  
柳條折盡送人行都謁承明上玉京老寡頻看隣女嫁  
白頭重憶舊風情

袍笏登場也等閒惹他動色到柴關妻兒翻不如猿鶴  
啼怨山人不出山

同學都看入宦途誰從林下諧康衢野夫歌咏昇平處

或亦清時不可無

蘇州喜晤祝芷堂

相逢何意在吳船樽酒論文喜欲顛詩有替人身可老  
世多名士集誰傳尚煩手校侯芭字承藉鼎漫說莊荒陸  
氏田十四五年纔得見故應一面也論緣

登第青春

榜無

登第時年二十餘

鬢髮今亦有髭鬚看君名比

韓門峻催我身為魯殿孤懷袖字難三歲減著書人已  
十分臞多煩懇款停舟話剪燭還商出處途

同蓉溪芷堂遊獅子林題壁兼寄國主同年黃雲

衢侍御

維摩丈室走終日長房縮地稱仙術人間乃有獅子林

一畝中藏百里濶取勢在曲不在直命意在空不在實  
選盡湖黿鰕瘦透幻出奇峯排一一大或朱劬綱上餘  
小或米顛袖中出躩踞如見奇獸蹲病癭似逢老人叱  
嶽空都作骷髏竅孤特欲撐散卓筆一簣猶嫌佔地多  
寸土不留惟立骨俯瞰平池浸影寒還比江峯鼓湘瑟  
山蹊一綫更紆迴九曲珠穿蟻行隙入坎途愁墨穴深  
出幽磴怯鈎梯窄上方人語下弗聞東面客來西未覩  
有時相對手可援急起追之幾重隔箭筈門狹棧閣危  
縮本摹成僅尋尺遂令陶輪手掌地折盡前齒後齒展  
想見匠心結撰勞起稿或經四五易人巧奪到天工處  
能使鬼神亦讓惜數百年來幾陵谷此獨堅完縫不裂

萬石融成一片青，寸松長到千尋碧。倪迂當日慮崩頽，  
作圖欲傳不朽迹。豈知閨更比圖永，宛委常含一區宅。  
我同勝侶來登臨，橫側看海日將夕。踏花幸有僮引途，  
掃徑惜無主欸客。如此溪山不在家，主人太少烟霞癖。

淮遊

湖十小築久棲遲，忽向江頭雇柁師。鄉里兒童竊相笑，  
菊花時節別東籬。

蘭橈如被晚鐘催，十幅蒲帆近夜開。翻似少年豪氣在，  
大江月黑一燈來。

竹西歌吹蕩迴波，杜牧重來奈老何。正是揚州無月夜，  
免教無賴二分多。

一曲清歌酒一觥消他畫燭跋長檠白頭閒昵紅裙醉  
縱得相憐亦假情

沿淮民舍縛柴荆屋脊雖高與岸平釜底豈堪高枕卧  
往來客尚代擔驚

阻風還上浪花堆閒寫蘭亭撥悶開天爲吾家修故事  
河聲如吼過淮來

權使寅和齋杜招過淮賦贈

恩光出入日華東簞節頻移畫戟紅湖海襟期千里應  
河淮筦鑰一關雄愛論交每朋簪集善理財惟估舶通  
招到野夫來座上此情早見古人風

同年王惺園少宰典浙試事竣還朝相遇淮上話

舊別後卻寄

主知特達冠朝簪關陝巍科繼德涵香案身依

天咫尺雅輪手挽運東南

公思廣視學典獄之命皆在闕浙

千秋遭際真無兩

一等文章肯第三

廷試卷首在第三上特擢第一

莫怪經過不相逐年來怕

遇貴人談

一尊話舊月黃昏雅愛叨將出處論鈍少駿蹄追令僕

老思牛具課兒孫山林鐘鼎原天性廊廟江湖總

國恩曳履星辰有公等何妨開客釣江村

贈陳蘭江同年賦贈

唱罷臚聲散似烟何期客裏跡重聯對牀此地同眠夕

一榜當時最少年試手曾流車轍雨殘牙重話餅綾筵

見君不敢誇高躅君更歸田在我先

君宰興  
雞一年

過江書劍壯遊新  
倒屣爭迎首路塵  
議論盡傾登座客  
英雄故在捉刀人  
架無陳帙胸偏富  
囊有新詩氣不貧  
却恨相從何太晚  
定交記取古淮濱

附和作

陳鳳舉

春明回首隔風烟  
縹緲仙班玉笋聯  
自落苔岑分什  
載羞將蘭譜說當年  
蓬山路迥雲霄侶  
萍水情深翰  
墨筵却笑邯鄲重  
學步吟鞭早自讓  
君先

晨光日暖晚霞新  
客舍追從屐馬塵  
誰重雞壇應我  
輩望隆鸞掖更何人  
文章老去知無敵  
宦達歸來好  
在貧只恐簪帷催  
命駕未容高躅釣  
江濱



觀劇卽事

逢場竿木逐兒嬉顧影郎當祇自知博得黃金買歌舞  
可憐已過少年時

明識悲歡是戲場不堪唱到可憐傷假啼翻爲流真淚  
人笑癡翁太熱腸

甌北集卷二十五終

甌北集卷三十六

庚子

陽湖 趙翼 雲松

迎鑾曲

鸞旂行令啓青陽拂曙雲霞好景光正是

仙籌添算候恰來海國驗春長

欲知

聖主福如天隔歲先逢大有年老瓦盆中春酒滿都思  
持獻輦途前

不獨民情望幸勞我

皇亦愛驗風謠豳風圖畫康衢謠十五年來繫肝宵

迎鑾野老望

堯眉歸語村鄰喜可知三十年來凡五見

天容還似乍來時

九重恩沛萬方覃偏是吳民感最諳 黃詔普蠲天下

漕輸年今恰到江南

兒童多少出江村都是 前巡過後蕃迎到輦前

天一笑看他祖父又兒孫

雞犬桑麻景物昌其期

睿賞攬年芳誰知別有關情處半爲河防半海防

詔書頻下所經過不許沿途粉飾多本色文章

宸賞在春花能笑鳥能歌

渡江波暖峭帆開二月風光取次催鄧尉梅枝寒勒住

萬花畱待 翠華來

清問餘閒覽翠巒  
麴塵風靜馬蹄乾

豫遊佳話人誰信

七十春秋尙據鞍

江鄉花柳縱爭春  
歲歲看來跡也陳  
只有

奎章隨處湧一回  
經過一回新

聞說西天佛入關  
今秋來慶

壽如山南方別有  
三天竺先湧香雲  
結妙鬘

清遠吳興山水殊  
已開馳道候

宸娛詔書爲念蠶  
忙月不遣移舟碧  
浪湖

仁皇六度駐鸞和

繩武今看福更過盛事古來曾幾見

祖

孫已是百年多

虞廷五載例堪循從此吳民望更頻送罷屬車齊合十  
萬年天子歲來巡

丹陽道中

曉發丹陽郭春波綠上篙河分江溜急岸似峽門高官  
路新舒柳

君恩舊賜袍迎 繅何敢後廿載俸錢叨

順河集迎 駕恭紀

拂露晨排駕披星夜整冠十年常望 闕千里此迎

鑿日景流暉照

天容帶笑看康彊知

帝壽顏似舊時丹

憶昔樞曹日曾隨豹尾行揮毫氍帳夕聯騎羽林營身  
爲循陔退心猶報國誠道旁瞻翠葆凝睇一含情

漕帥鄂公延王淮陽講席賦呈

不曾瞻謁早心欽敷歷封疆望最深九折險經山削鐵

金川川兵  
金在行間

四知清到夜投金高懷常與雲俱淡短髯還欣雪

未侵粵嶠鈴轅艱一拜

公撫粵時余守鎮安爲公  
屬吏以從軍洩省不獲趨謁

何期得侍在淮

陰

程晴嵐太史招飲荻庄卽事

小築堪尋勝湖干第幾灣是村仍近郭有水可無山疎  
密花千樹廻環屋數間主人頭半白養靜作禪關

牆垣全不設但以竹爲籬爽熟鄰應撲花開客共知王  
猷堪竟入董相也頻窺獨樂名殊隘輸君景不私

勝地閒時日難兼抵寸金園真依淥水人已脫華簪鷗  
是忘機侶花含解語心看君知足處直欲老亭林

客裏無交舊欣君此結廬軟紅談往跡嫩綠隱幽居舊  
雨爲今雨前魚接後魚只愁來往數多費爾盤蔬

讀陸放翁詩題後

晴霞散綺光滿空萬馬蹴陣聲隆隆狼籍心花怒猶熱  
映入燭燄成長虹南渡全忘復讐事留作先生不平氣

况兼才思十倍雄萬斛原泉不擇地好景當前人弗見  
觸目輒歸剪裁麗直罄造物無盡藏不許天公稍自秘  
人言翁詩太求工先得佳句後訖功欲與千秋關顏色  
寧免畧傅胭脂紅要其艷質本獨絕修飾乃益妍無窮  
不然無鹽滿面粉豈遂可列施嬙中晚年藻采更悉摛  
淡掃蛾眉使人認老婆舌頭老嫗頤拾來都與名理印  
試讀渭南以後詩八九十歲猶精進乃知耄學益勤劬  
老境逾甘啖蔗如慚余五十編詩日纔是先生存稿初

送別陳蘭江龔東知

縞紵相逢淮水濱論交方喜對牀新穿花香染蜂隨客  
剪燭談深鼠惱人兩月琴尊成舊雨一堂履舄又前塵



留髡地主今何在存歿關心一愴神

二君皆賓和齋上客也時和齋已去世

大學士雲巖阿公平金川後治河豫省事畢趨赴  
行在道經淮城相見話舊敬呈三律

信有熙朝柱石臣文經武緯贊鴻鈞  
嶺巖閣形圖第一人郭令勲名真蓋世  
范公憂樂豈關身十年重見頭還黑此是蒼生福正新

平賊歸來又障川都將艱鉅一身肩  
紀功難了三千牘名世須論五百年  
鳥道連雲探穴險鯨波翻雪築隄堅  
從今奏到平成績安穩常依日月邊

征南幕下記趨隨親見籌邊策不遺意  
氣人皆吞小醜事權公是統偏師  
畫灰回憶爐邊字剪燭重論局後棋

今日勲庸滿天下苦心能得幾人知

陳竹泉苗寨班春圖

君嘗判黔之都江所部多生苗地

繡虎朱旂寶馬鞭書生袴褶入蠻天  
獠狔從古無官到始識王尊叱馭堅

苗家土俗也風流山寨何因駐絳騶  
莫是蘆笙催跳月使君出郭作遨頭

連雲大箐字牛皮險仄途愁命一絲  
不是過來人不識

故應向我乞題詩

牛皮箐皆生苗所居余昔往古州過此

又題采菊圖

自從陶潛愛秋菊此花遂爲隱者獨  
豈知後世菊事繁也染胭脂鬪芳  
縟醉楊妃與粉西施

紅白二菊名見靈苑

全變東籬昔

面目君獨歸田餐落英得毋猶誤舊虛名不如還逐春風去桃李河陽種滿城

寓齋卽事

屏跡少塵事素心稀往回茗香人睡起雨濕燕歸來按譜琴三疊澆書酒一杯不知春已盡花落滿蒼苔

漂母祠和韻

神祠因一飯千載尙銘恩月旦歸巾幘烝嘗抵子孫士窮來欲哭女俠此長存亭長妻何陋盤餐太較論

貞女背秦姑詩

當塗人未嫁而夫楊之嘉死矢節爲其夫妾

白頭猶是女兒身辛苦持門幾十春絕似子中通籍後不曾食祿作忠臣

那得閒依繡佛燈課嚴菽乳日三升市兒買得都稱歎

片片懷清寡女冰

以磨豆  
爲生

三生石也記功無爲養重親爲立孤他日九原相見處  
可憐猶未識兒夫

### 億生獻賦

行在召試入等得官中書舍人詩以寄賀

得官不待試槐黃新樣泥金報喜忙賦草迺呈

黃幄殿詔書榮拜紫薇郎西垣禁地初翔步南國詞壇

久擅塲螭陛鑿坡看發軔尙書貽後澤原長

翻階紅藥記前因年久難尋舊履塵

余出內閣  
已廿二年

有汝一家添

後輩愧余廿載似陳人官登瑣闥班原貴地與瀛洲路

最親他日五雲臚唱處家聲蓬頂又傳薪

君曾祖蒙公  
己丑科狀元

在淮無事搜得軼事二則各系以詩

徐仲車集淮陰一婦人有盜殺其夫而娶之婦  
弗知也生二子矣盜以爲相從久必不恨偶同  
舟過其夫死處乃語之婦大慟走訴官置之法  
并投二子於河俟盜戮亦自沉死

藁砧不歸鬼夜嘯紅顏無依泣再醮豈知新薦枕席人  
卽是中途殺夫盜盜雖貪色亦防讎守口頻年不露謀  
生得兩兒俱卅角想來恩重如山邱同舟偶過殺夫處  
一語似鬼開其喉紅顏聞之勃然變脣作劍眉面鐵面  
慟哭奔來訴縣庭深仇近在同集燕身是冤魂結髮妻

故夫爲我屍千片罪人斯得網難逃毗裂看他斬市曹  
膝下兩兒俱賊種牽來併與擲洪濤伸冤雪恥俱完事  
我亦何顏見天地一婦曾經斃兩夫餵狗猶愁狗不飼  
剩有清淮洗此羞橫身躍入盤渦沸此意令人絕可憐  
身雖叢垢志仍堅君看甄女爲曹婦明識夫讐尙抱眠

夷堅志金海陵南下時淮陰磨盤灘張生妻卓  
氏爲金將所得卽僞與歡并告以故夫有藏鏹  
乃同往逼取之金將以爲愛已也盡以所攜委  
之會軍變北歸卓乃醉而殺之囊其物歸故夫  
謂當時若不設逼銀計彼必不深信使我得伺  
間且倍獲也

磨盤灘前鐵騎渡，擄得蛾眉伴戎幕。明知非偶且相隨，  
撇下家雞伴野鶩。兒家尙有白鏹多，一并劫來爲君富。  
聯騎直入所居堂，倒皮親搜複壁藏。靡蕪有人戰手罵，  
嫁得劉郎背阮郎。虬髯將軍大稱意，此婦愛我心不貳。  
別掠金珠滿橐中，管箛將來親手界。一朝軍變赴歸途，  
斗酒沽來醉此奴。手刺長刀鞭馬出，盡攜所獲覓前夫。  
前夫見之方切齒，行笈一開乃倍蕤。始知入室假操戈，  
正是垂綸厚設餌。欲誑孟嘗裘千金，先割商於地六里。  
嗚呼用智何太奇，南八不死果有爲。陷身虎穴竟殺虎，  
古來處變原多岐。獨憐此事亦倖濟，不然身辱骨亦碎。  
君不見段公擊笏反，被戕景清懷刃終不遂。

寓齋

笑比齋堂偶掛單無端留滯到春殘  
浪遊誤了看花眼開過丁香又牡丹

送春

踏盡苔痕屐齒泥銷魂今日畫欄西  
落花何與黃鶯事也爲春歸不住啼  
去已堂堂不待催暗添蕭索上池臺  
勞他落日回殘照猶送牆西樹影來

和晴嵐贈別原韻

聯袂曾趨采殿東各收宦跡到山中  
才名敢便輕餘子家事毋煩溷乃公  
坐擁一庭花富貴步隨幾隊蝶雌雄



兩人都是閒鷗侶翻怪平時信不通

感慨非關別玉墀相看各已髡成絲乞誰少許丹砂劑  
還我當初黑髮時十七史從何處說百千家牘幾篇詩  
立言已是儒生末況少曹碑幼婦詞

十載分飛履舄塵偶然聚首也良因我慚湖海稱豪士  
君有園林作主人辛苦子雲期後世高閒摩詰認前身  
臨分那禁離懷惡一帶淮隄柳正新

原作

程 沆

清時文望著江東早有才名入禁中長慶文章推巨  
手建安風骨冠羣公人從絕徼干戈健詩向蠻鄉瘴  
癘雄要識先生隨境變華嚴法界本圓通

珥筆曾經侍玉墀，歲星今已髧如絲。孝先腹笥非前

度，宏景頭顱卻後時。

當宁委心詢近狀，

上時詢公于左右重

臣撫掌誦新詩。

大學士阿公相見即誦君詩

昔年海日江春句，政事堂

### 中絕妙詞

瑤島追思步後塵，雲分萍合信前因。百年其惜無多

日，四海相望有幾人。李漢序文餘舊淚，

公手刻汪文端公集孫樵

編集趁閒身，何當握手旋分手。添入離愁一番新。

### 舟行

一枝柔艣泛波空，牽曳詩魂入夢中。笑比搖籃引兒睡，

老夫奇訣得還童。

江村人臥小兒於竹籃搖之使眠謂之搖籃

十分恍飽捷於鞭，恣意編郎企腳眠。行盡江湖看世態，

驕人第一順風船

何物中宵閣閣鳴似憐孤寂送繁聲罷官野宿無柁鼓  
兩岸蝦蟆爲打更

高郵道中卽目

雲淨天涵卵色嬌布帆無恙穩歸橈人依隄柳同眠起  
鳥立風枝愛蕩搖湖水澗疑無地界河流平爲近江湖  
文游臺上秦淮海千載何當酌酒招

渡江

塵沙千里黥征衫今日金焦覽碧巉湖定未分消長水  
風橫兼使往來帆過山不上僧含笑擬登金山不果到岸無驚客  
解嚴計日鄉園看梅雨遙知濃綠滿松杉

晚泊京口

浩浩江頭沸市聲，戢篙暫候晚潮生。  
大風白浪平吞岸，落日青山半入城。  
地險南徐猶作鎮，時清北府漫論兵。  
一編丁卯詩人集，畱伴孤舟對月明。

到家

榆柳湖干社餞驚，五月初去纔飛燕子歸。  
幸及鰕魚病婦能謀酒，嬌兒競挽裙人生生處。  
樂何事別鄉閭。

偶筆

阻風中酒幾江程，卸卻征衫節物更久客。  
乍歸家犬吠故人招飲樹，雞烹溪流橋下初添漲。  
時鳥林間已變聲，老愛投閒無遠志。  
鄉園風味倍關情。

閒步村落

昇平樂事滿郵墟身在義皇太古初土銓餅香收麥後  
瓦盆酒賤壓茅條社多祭品誇鄉老縣少催符下里胥  
可惜無人畫成幅野夫拾到筆頭書

喜陪嵇蘭谷賦贈

故人何幸一尊同良會真非意計中家世相門還有相

鄉閭公事所言公

君以公事來郡城

趨庭共羨斑衣綵迎輦新題

御筆紅看爾少年今亦老阿兄那得不成翁

記得班荆在點蒼

君官瀘時辦軍郵點蒼山下余從軍過之

軍郵千仞正輪將半

空有路間雞犬六月如冬下雪霜往事俄成泥爪幻均

徭猶頌口碑長

君辦軍需獨以恤民稱

可應憐肉潛生後重話生平舊

駁場

半空一聯乃自淮歸途次無意中所得憶生平所歷惟點蒼山有此景足成之補入滇南卷中適抵郡城而蘭谷至則昔從軍滇南時相遇感蒼山下

班荆道故光景宛然在目也遂補綴成篇奉贈覽此事亦有宿緣矣

吳門雜詩

握手依然舊雨親十年京國對牀人雲泥不但公忘分

我亦忘呼老大臣

畢秋帆開府奉詔歸里相見道故

形容老盡舊交游獨有先生髻不秋白髮誰言最公道

逡巡也避貴人頭

別府別十五年贊

幽棲風味愛清歡頻笑胭脂畫牡丹到得東山絲竹地

始知平日秀才寒

金櫻郁李映清波一疋紅綾一曲歌誰念青裙張好好

冷如退院老頭陀

酒船中有金郁二女郎侍客船尾張小妓者清亦以色藝稱今老矣

看盡烟花細品評始知佳麗也虛名從今不作繁華夢  
消領茶烟一縷清

占得風流向客誇買胡畱滯漫思家前身原是莊周蝶  
莫怪三生慣宿花

莊似撰連日  
有烟花之會

尋常一樣野花嬌纔到山塘價便高我昨三家邨畔過  
可憐艷煞一枝桃

六月飛霜怨不磨看場人盡淚痕多誰知南部烟花地  
也唱山陽寶孝娥

夏谷香觀察出梨園譚客卿  
寶娥法場滿座無不下淚者

### 橫塘曲

畫就蛾眉上酒船酒船泊傍綠秧田田間耕婦船中女  
相對橫塘古渡邊倚艍人映晴波淥歌扇裁絢衫製縠

虬髯大賈催纏頭，釵合成雙錦盈束。田婦從旁黯自傷，  
可憐赤腳踏泥漿。朝行秧馬宵呼犢，不抵清歌侑一觴。  
有客清吟落花片，勸渠且勿心生羨。田家荆布首如蓬，  
形容雖愧紅粧面。紅粧伴客酒杯前，此景也羞田婦見。  
但免身爲濁水泥，省被人呼倚門賤。聽我橫塘一曲歌，  
田家本質亦修蛾。若甘賣笑將人媚，未必輸他所獲多。  
舟過無錫蘭谷畱，飲觀劇卽席醉題。

吳趨連日聽迴波，又向梁溪顧曲多。老作人間游蕩子，  
戲場到處逐笙歌。

寫入陶家畫扇中，攜來素手便稱工。平生詩句無人管，

畱與歌伶拂袖紅。

蘭谷以余所贈詩扇  
付歌郎柳華持上場



蔡節婦詩

姓張氏諸生蔡士荷妻三歲而寡撫孤謹光成立

女流中有此鬢眉髻當門隻手支舉案風情三歲了  
避入涕淚九原知冷灰畫荻孤兒字宿火鳴機寡女絲  
今日泥書旌綽楔清芬長附柏舟詩

納涼

暝色赴庭陰雲輕月微斂東風觸牆迴折作西風颭  
小兒強解事奇語驚老叟不知雲飛速但道月退走  
門前溪水曲如弓岸柳垂陰靜不風萬點星光萬螢火  
澄波映作藥珠宮

矮机無籐坐月陰桔槔聲寂夜沉沉西瓜大字芝蔴鑑  
閒聽村翁說古今

破寺

楚楚鐘魚院何年遂式微臥苔碑沒字支木屋無扉古  
佛蛛牽網殘僧蝨滿衣空門亦興替小立弔斜暉

長夏曝書有作

嗜書空如嗜噉蔗書不在腹乃在架黃梅過後日如火  
晒向中庭課長夏高函大帙充棟隆多少精血藏此中  
當其志欲爭不朽誰肯畱拙不見工如何遙遙千載內  
傳者俱有數十公其餘姓氏漸莫舉魚鼈滅沒洪濤風  
由來茲事非倖致邾郕敢長黃池雄文人例有一編稿  
鏤棗鋟梨紛不了若使都傳在世間塞破乾坤尙嫌小  
少年下筆偶得意輒思橫壓古人倒古人拍手青雲端

大笑班門枉弄巧關張之勇施嬖妍何處許人學起草  
到此方知願莫酬摩挲插架轉悠悠卻憐齒豁頭童日  
還托雕蟲一卷留

夜坐

坐久空濛露濕衣風來暗帶稻香肥流螢不自量微照  
偏向星多處亂飛

夜深歸去就橫陳一語應添笑柄新我比齊人有妻妾  
尊房偏寵竹夫人

喜雨

曬麥連晴插秧雨今年天最憐農苦父母愛兒無此德  
寒則子衣飢則乳如何入伏五十日日日歌陽作火灸

水車渴吸長河枯灌得東田西又坂可憐農夫千滴汗  
不博空中雨一滴夜深萬首齊仰天恨不梯空當面乞  
豈知甘澤默有期須其力做恩乃施忽然雷鼓百十面  
驚驚催起蛟龍螭斯須倒捲太湖水傾囊歎出無畱私  
聲如陰兵十萬鬼排陣嘯呼劍鋌鉞向來溉田借河水  
田今反溢流還之有如涸鮒貸升斗轉眼倍息償其虧  
從此水車泥上閣不待掘苗苗自躍村頭多少踏車人  
爭向綠陰眠跂腳

渡太湖登馬蹟山

元氣混茫間雄觀上碧孱無邊天作岸有力浪攻山村  
暗楊梅樹津開苦竹灣離家纔廿里垂老始躋攀

地是夫椒舊兵戈久已戢漁歌秋水杳人影夕陽高放  
鴨船通港浮龍石激濤何當一椽築晏坐息塵勞

苦竹灣

夜泊苦竹灣暑退新爽送潮澄波不興整作碧雲凍孤  
月涼在水近舷手可弄坐久巾屨濕始覺露華重遙邨  
雞未鳴青山靜如夢

官嶂山晚眺

蓬萊弱水是耶非萬頃烟波繞翠微遠鳥似投天外去  
神魚或出浪頭飛日斜樵徑歸柴擔風起漁船打水圍  
如此湖山近鄉社真慚不早占漁磯

東臯露坐

浴罷渾無事東臯候月明涼生秋有信濕重露無聲蛙  
鬧當更鼓螢多似火城野夫閒富貴或謂勝公卿

郵舍卽事

天教此老占烟霞家住湖干水一涯志豈在魚聊把釣  
夢曾爲蝶偶看花萬釘帶恐腰無力五鼎餐寧腹有華  
了微觀空平等法閒居所得已豪奢

陋儒只解慕黃虞豈識黃虞世未徂扶杖有人秋賽社  
打門無吏夜催租底須畏壘逃尸祝如向關風看畫圖  
此段恬熙誰領略故須識字老耕夫

一編勤過舉場時積漸家風暗轉移柳氏婢能輕賣絹  
白家姬亦托知詩牀無阿堵煩人舉手有摩尼誦佛持

只恐風流遂成習滿門俱作虎頭癡

鄰翁邀我饌香粳雜坐何嫌笑語儉將酒勸人無惡意  
惜花獻佛也真情杜陵泥飲遭田父阮籍酣呼對老兵  
短髮飄蕭晚歸去路人喚作醉先生

野泊

野宿依叢葦寥蕭水觀澄疎砧秋巷杵遠火夜船燈暑  
謝平頭扇涼催半臂綾倚舷跌坐久纖月吐微殘

老柳一株腹裂二丈許而枝葉特茂詩以張之

邨南老柳老空腹枵然大可容百斛當胸一鑿誰毒手  
慘裂似剝孕婦育是宜憔悴日就枯胡乃叅天十丈綠  
臨風尙學纖腰舞過雨還矜鬢髮沐恰如老婦得士夫

傅粉衰顏善粧束使我摩挲增太息憐爾外強中已蹙  
有客從旁代解嘲此論得毋眼猶肉五官缺一神乃全  
物理由來有盈縮臂折或拜三公榮齒落翻享百歲福  
此柳谿衲腹雖裂特有頑皮歷涼燠叔寶正以無心肝  
能向人間耐榮辱殘軀漫比半死桐壽相端推不材木  
長條依舊垂毵毵不許人嗤老而禿形骸欲朽氣轉雄  
一段傀儡狀可掬婆娑合喚支離叟好與先生伴幽獨

遣興

結習深知癖未除時供流輩笑軒渠懶愁束帶見生客  
老尙典衣求異書宵聽足音空谷外稍留目力短檠餘  
山妻來告餐無肉蒼道今朝正喜蔬



飯罷攜筇獨步時小橋流水日遲遲風將垂柳梳青髮  
雨爲遙山洗翠睂難去聲倒溫公村客問喚醒坡老夢婆  
詞歸來更有閒工課摘句圖填滿壁詩

解嘲敢引北山文游惰仍慚穀不分閒每勸人爲善樂  
貧惟教子讀書勤漢陰機息無爭俗韋孟詩成總舊聞  
報國已無康濟具或於風教補微勲

謀生莫笑計蹉跎頗亦能營安樂窩道服免裁皮價貴  
齋期暗省肉錢多功名敢想爐煨芋經濟聊施屋補蘿  
乞米無書菜堪咬已全士氣在巖阿

論詩

不老筆不潔不閒意不新天子老且閒使之作詩人詩

人豈不佳風雅澤其身胡爲大言好欺世。勦托詩外尙  
有事杜陵布衣老且拙。許身自比稷與卨。南宋倫安讎  
不報。放翁取之作詩料。設令一旦任事機。安知不敗陳  
濤潰符離。幸而托空言。後人有餘思。丈夫不能如班超  
傳介子。絕域功名炳青史。又不能如程朱數大儒。悟微  
絕學開榛蕪。徒然仰屋梁。吟紙帳。猶復自詡有才不竟  
用。將使後世翻以失士議。君相此段欺人弔詭心。阿鼻  
獄難償孽障。是以野夫詩不肯誑語爲。縱或槎枒起肺  
腑。回顧身世焉用之。淒涼但入送行句。感慨留作弔古  
資。

庚子秋仲恭逢

皇上七十聖壽

微臣

伏處田里不能詣

闕叩祝敬偕在籍紳士艤舟亭行禮恭紀四詩

率土歡騰愛日暉

九閭喜氣溢堂廉冰輪恰應將圓璧瓊笈初符第七籤  
丹粟花開珠藥朗紫霞杯進玉漿甜不知海屋籌多少  
總爲吾

皇鳳紀添

文叶垂裳武止戈豐功峻德兩巍巍量包廣莫天無極  
道挽華胥世太和新闢疆增中土倍普蠲租到五回多

普免天下漕  
糧已五次

古稀豈但論遐福治比黃農也更過

海宇俱遊化日舒總叨鴻庇徧方輿欲覲

軒紀增無盡但看陶風畫弗如穀麥屢豐連歲內兵戈  
不見百年餘始知仁壽蒙庥久不待 覃恩降詔書

信有蕃禧湧似潮因緣輻輳不煩招纔從南極星迴輦

又見西天佛入朝

今秦南巡回京適後藏  
佛班師以渡視八觀

進寶梯航重象譯祝

釐燈綵徧漁樵微臣無分隨鵷序泥首江鄉叩絳霄

### 與杏川念杞再渡太湖至馬蹟山

又指夫椒泛蕩藍其咄此老近游貪氣吞雲夢尚八九

人在野航恰兩三風月從來無盡藏湖山寧厭有幽探

墓田丙舍如營就便擬幽棲吸翠嵐

時爲  
先母營葬地

### 吳紫庭開府輓詩

惠績清聲比戶知秋風俄報飾巾期臨危尙拜安關疏

公以河患赴徐州道中得病

到任剛逢賀雨時

公五月申莅任正得雨

數月令初行立木

萬人淚不待刊碑頻年行省多遷換未有如公去後思

公歿之日蘇民赴轅哭者萬計近時所未有也

紫陌看花早共親喜看曳履上星辰公從歷任皆江國  
我是同年又部民敢恃素心論舊雨也貪有腳到陽春  
鄉邦利弊今多少更與何人仔細陳

### 午膳

少小讀魯論晝寢懲昏頽每當午欲睡解以苦茗杯豈  
知老而衰漸與睡爲媒飯罷輒交睫兩目撐不開初猶  
悉力拒繼乃應候來中有一片甜其味美於厨早知有  
此樂何嫌朽木材竊疑孔聖人先生欺余哉

哭外舅大學士程文恭公

黃扉方仰贊鴻鈞何意騎箕遽返真上殿每陳寬大語  
舉朝共服老成人故鄉屋僅堪容膝退直書常擁等身  
欲識蓋棺公論定早聞歎息徧朝紳

官班台輔壽耆年寧復餘恫抱九泉老去香山猶望子

病來疏廣未歸田

公以姪爲嗣晚年常有乞身之思以恩重不敢請

孤寒有客傷垂淚

言行何人錄作編慚愧向蒙元獻愛難將薄劣繼薪傳

夜坐

人語夜深寂霜威侵敝袍梅花映明月共我作三高